

Му кӧдлмшин аш

Сарпинск района хойрдгч номертӓ совхоз — эзджӓх газрарн болн хӧӧнӓ тоогъарн Хальмг танъгъчд нертӓ ик совхоз.

Эн совхозин долан фермсӱрнь ниднӓгъӓс нааран 276 хальмг ӧрк-бӱл нӱӱдж ирв. Ирси ӓмтс цаг ӱрӓл уга совхозин кӧдлмшин нӱӱрт орлцджана. Эдн цугъар, ик-багъ уга эрвӓ келӓр газет, дегтр умшхд дурта.

Хӧӧч, областной Советин депутат Доянова Анна иигдж келнӓ:

— Бидн «Хальмг ӱнн» гидг газет икӓр кӱлӓнӓвдн. Эн газетиг маднд 10—15 хонг давсн цагла авч ирнӓ. Бидн эврӓ келӓр умшад, колхозмудар, совхозмудар, райодар, мана хотл балгъсн — Элстд ямаран кӧдлмш болджахинь меднӓвдн.

Тиигхлӓ газет, журналмудиг

ӓмтнд цаглань кӱргдж ӧгх кергтӓ.

Эн совхозд иим олн хальмг ӧрк-бӱл нӱӱдж ирси болв чигн, «Хальмг ӱнн» гидг газет 60-н экземпляр бичӱлх зура ирдж, ташр тӱӱгӓн кӱтц тархадж чадсмн уга. Совхозин поштин отделин начальник Валентина Богомолова—газетд бичгдлгън юнъгад иим муугъар йовхмб гихлӓ — кӱн бичгдхш гинӓ. Эн худл ӱг. Кеер, хӧӧнӓ хошар, малар йовдг ӓмтнд совхозин конторур оддг цаг уга. Бийнь болхла иигӓн — тиигӓн гарч йовхш.

Совхозин партийн организац болн поштд кӧдлдг ӓмтс газет, журналд бичлгънӓ кӧдлмшт икӓр оньган ӧгси деерӓн, ирси бичг, газет, журнал телеграмсиг ӓмтнд цаглань кӱргдж ӧгхиг ясрулх кергтӓ.

Н. ТИМАШОВ.